

續修廬州府志

卷六十二

列女傳 美烈二

續修廬州府志卷六十二

花翎道銜江南安徽廬州府知府清泉黃 雲總修

列女傳 義烈二 烈婦 烈女

漢

焦仲卿妻劉氏建安中仲卿為廬江小吏劉氏為姑所
出自誓不嫁其家逼之乃投水死仲卿聞之亦自縊

明隆

慶志

明

貢生王孫謀妻張氏廬江人中書舍人永年太學生延
年之母工部主事鳳鼎之祖母也事翁姑克盡婦道訓
子有古慈母風崇禎乙亥正月城為賊破張與鳳鼎妻

續修廬州府志

卷六十二

列女傳 義烈一

一

姚氏俱死之延年妻呂氏賊至自投城下身被數刃己
而復甦時稱一門三節云

明隆慶志 通志

舉人張大受妻楊氏廬江人貢生張瓊磨母也崇禎乙
亥流寇圍城氏慷慨泣下拊諸兒曰不復能相顧矣城
陷賊入眾倉皇避賊氏直走宅後聳身立城堞上擲地
而絕數日賊去家人從夾城中得其尸顏色如生

明隆慶志

通志

劉芝妻張氏廬江人舉人大受女也寇至氏先期與芝
訣曰若奉母亟避妾惟有死耳因乘間自盡袖攜觀音

像一幅金剛經一卷芝為殉葬焉

明隆慶志 通志

生員王祈年

通志 王祈作

妻呂氏廬江人流寇充斥祈年攜

幼子與妻出奔左提右挈勢不兩全氏欲全夫與子遂乘間觸石而死

明隆慶志
通志

儒童李青妻呂氏廬江人崇禎十年流寇至西鄉氏攜八歲幼子生謙匿馬槽山洞賊見氏少艾欲污之氏大罵抵死不從賊脅以刃氏罵曰殺則殺耳何脅爲賊連刃刺之氏罵益厲四賊扛巨石擲之身首齧粉邑紳宋志靈避賊在對山親見之康熙十九年請於知縣盧天均表曰貞烈流芳

明隆慶志
通志

貢生王歷年妻盧氏廬江人壬午寇至氏年二十四攜二幼女匿母家夾牆中賊索得之時道傍有井氏給賊曰渴甚能以一瓢飲我得少蘇從汝可也賊因釋手翻

續修廬州府志

卷六十二

列女傳 義烈一

二

身抱石投井死賊怒連槩刺之井水爲赤並殺二女婢

冬桂目擊其慘傳於人至今人稱其烈

明隆慶志
通志

生員姚魁妻許氏許越女廬江人崇禎乙亥寇變遇賊於芝蔴灘義不受辱脅以刃罵益厲賊怒以刀割殺之身無完膚時年二十二

嘉慶志
通志

廩生劉曾妻呂氏廬江人于歸數月流寇圍城將出避氏指倉下曰吾畢命地也舍此安適君速去遂屈身匿倉下賊已及門夫急踰垣避後寇退啟視白骨纍然

嘉慶

志
通志

邢寶蘭妻姚氏姚五峯女廬江人年十八值流寇刦掠同鄰婦入山谷中賊搜得之殺年老者六七人獨留姚

氏逼歸賊營氏不從投甘塘凹溪水死

嘉慶志通志

周天度妻崔氏廬江人壬午寇變天度為賊害氏不辱自盡順治二年知縣周迓祚書勁節凌霜額以旌之

嘉慶志

志縣通志

曹二妻周氏廬江人夫歿無子伯氏逼令改嫁氏不從堅守三十餘年足不踰闕並絕歸省賊至登樓焚死

通志

志縣

鳳鼎元妻王氏廬江人殉烈全節事實未詳

通志待旌錄

毛可達妻姚氏廬江人年二十七夫歿矢志苦守撫訓長子尚偉及遺腹子雋成立城陷不屈罵賊被刃死

通志

志縣

續修廬州府志

卷六十二

列女傳 義烈一

三

庠生張振祚妻楊氏廬江人隨夫在翁張宏任四川嘉定州任所甲申獻賊陷城祚從父死難氏勸姑率子女雜民婦中潛出獨自縊署中海棠樹下賊退人毀短牆掩屍海棠無香迨祚弟振祺尋母再至其處州人云此樹自烈婦殉節後花發茂盛香氣襲人皆以為氏之芳

魂所聚云

志縣

貢生姚履和妻丁氏廬江人城陷與妾談氏俱赴水死王鳳鼎妻姚氏即其長女也

志縣

趙天任妻徐氏廬江人年二十四夫亡三子俱幼家徒四壁紡績為生堅守五十餘年撫子建忠成立賊至赴

水死

通志志縣

以上烈婦

丁氏女廬江人許字王子詔詔病歿女持服三年值歲大禋父謂曰汝以弱女子而稱未亡人今旦夕爲餓殍盍擇一善所他適乎女泣謝曰女自有死所父潛許鄰子親迎有日女陽爲不聞一夕整衣危坐乘間投舍傍井中時縣令以勸農至得女死狀碑其墓表其閭明隆慶志

白應時女廬江人年十三字李某未婚李卒女聞訃往奠乘間自經死通志

許越女廬江人字諸生姚魁崇禎間遇寇不辱賊殺之身無完膚通志

周松庵女留姑廬江人幼許字邑人包某未嫁包病歿

女聞訃卽更服往奠絕粒八日而死時年十六墓在西郊雙墩口巡按洪旌以詩詩曰未親夫面殉夫亡豈比尋常烈女行白髮尙難堅晚節青年誰肯損紅妝魂歸地下乾坤老名在人閒草木香吾淚亦非容易灑哭渠

千古振綱常明隆慶志通志

周欽女廬江人幼字張姓及笄于歸有期而張氏子歿女聞訃悲號勺水不入口者數日父母溫語勸慰之女終無一言惟日夕飲泣而已久之父母見女無恙將別議婚微示意旨女乃大言曰父命焉敢違但父曾以兒許張張已死願往奠焉惟父所命許之至張墓哭拜畢復望家轉拜曰兒將下殉張郎父其無以不孝爲罪遂

觸石而死之巡按洪弔以詩詩曰所結同心侶泉臺媿
獨存可憐甘誓死不忍說分明血淚沾衰草黃昏慘墓

門年年荒野月尚照未歸魂

明隆慶通志

以上烈女

國朝

何志厓妻陳氏廬江人陳循女年二十二夫亡治喪畢

哀囑其叔奉事翁姑遂絕粒不食死乾隆五年 旌

嘉慶

志通志

錢崇北

通志作崇元

廬江人妻王氏桐城人年十八夫亡水

漿不入口者六日夜起至夫靈前投繯殉節乾隆七年

請 旌

嘉慶通志

續修廬州府志

卷六十二

列女傳 義烈一

五

朱子才妻胡氏廬江人孀居六載遭強暴不辱自縊死

乾隆二十二年 旌

嘉慶志

楊建由

又作猷通志作山

妻胡氏廬江人爲強暴所逼不辱自

刎死乾隆四十年 旌

嘉慶通志

汪深造妻王氏廬江人有惡少以言戲之遂自縊死乾

隆四十八年 旌

嘉慶通志

陳振先妻歐陽氏廬江人乾隆四十九年歸陳次年遭

旱荒其翁景賢死貧無以殮伯翁計鬻氏氏知之遂自

縊死時年十九已 旌

通志縣志

劉雙龍妻史氏廬江人年二十八夫故守志苦節四十

年咸豐甲寅城復陷遇賊不屈死之已 旌

通志縣志

王運漢

又作培

妻王氏廬江人咸豐四年賊至城陷痛夫

罵賊遇害率側室吳氏暨二子六九七一從容投井死

已旌

通志采訪册

貴州清平縣知縣計遠長側室唐氏廬江人咸豐六年隨夫防堵都勻適夫奉委出城籌餉苗賊突至攻城城陷入室逼氏氏罵賊甚烈死之已旌准於都勻建坊同死者子如恒如升夫之胞姊徐計氏外甥徐長春外甥婦徐朱氏外甥徐應貴

采訪册

監生王之朝妻曾氏廬江人夫故守志苦節四十餘年

咸豐丁巳賊至詈罵不屈被殺已旌

通志縣志

太學生黃學勤妻朱氏廬江人年六十六咸豐十年罵

續修廬州府志

卷六十二

列女傳 義烈一

六

賊遇害先是氏素好善樂施坐是常窘而周濟人不解當咸豐三年邑城初陷先後進大營謀恢復者聞之卽命子邀留其家經營資送城復餉匱益命子設措濟之

也已

采訪册旌

從九錢塋妻魏氏文生錢兆祥妻凌氏儒童錢恒昌妻王氏均廬江人咸豐辛酉聞賊入境密縫衣紵相約赴

水死已

采訪册旌

邵春和妻夏氏廬江人年二十二夫故守志苦節數十年咸豐辛酉挈孀媳凌氏避亂遇賊赴水死已旌

通志

采訪册

縣丞凌祐妻董氏廬江人合肥董光泰女聞賊逼近語

其姪媳金氏曰我與爾婦人也弱不能行事急惟水與刃耳祐聞以爲不祥董氏曰臨難守節祥孰大焉已而捻匪竄至祐兄弟奉母先行董攜幼女及金氏後賊近董度不能脫呼金氏曰省前言乎金領之攜女並金氏投河死時咸豐十一年正月初五日也旌采訪冊

文生解光懋妻邢氏廬江人年二十五夫故守志養親育子咸豐辛酉避亂遇賊赴水死已旌采訪冊

儒童李先科妻楊氏廬江人合肥文生楊月三女幼歸夫家咸豐辛酉賊突至女年十六計免其姑持械擊賊

賊怒攢殺之剖其腹死已旌采訪冊

文生朱錫圭妻戴氏廬江人年二十一幼慧貞靜寡言

其父文生戴燮授以女箴女訓諸書咸豐辛酉隨夫避亂湖上倉卒遇賊挈二女投湖死越日得其屍手攜臂負宛然如生已旌人總祠總坊采訪冊

候選訓導俞守純妻宛氏廬江人貞靜知大義咸豐辛酉隨夫避亂牌形地賊竄境氏負週歲兒謂夫曰君速去妾恐襁褓物累君將攜歸泉下矣夫趣與偕行氏曰妾不死君不去與其同罹於難曷若妾先死以絕君之念遂抱兒投水死賊去殮之面目如生已旌縣志

道銜江蘇候補知府鮑灼妻洪氏廬江人鮑雲鵬第三媳幼讀內則女訓諸書曉大義辛酉遇賊被逼氏厲聲大罵賊示以刃氏曰殺則殺耳何脅爲賊怒刃傷其額

遂投喜鵲塘死女十姑甫八歲見母死以石擊賊賊欲殺之亦投塘以殉時值盛暑十餘日寇退家人得其屍

顏色如生建坊西門外喜鵲塘頭

縣志

許鴻泰妻吳氏廬江人年二十九夫故家貧翁老子幼

晝夜紡績以供甘旨撫子女成立咸豐辛酉賊擄其子

氏投河全節時年六十三已 旌

通志
采訪册

黃廷佐妻左氏廬江人年二十八夫故家貧撫子成立

教以義方咸豐辛酉氏年七十三罵賊不屈死已 旌

通志
采訪册

程榮孚妻徐氏廬江人年二十一夫故守志咸豐辛酉

避亂遇賊投湖死時年五十八已 旌

通志
采訪册

續修廬州府志

卷六十二

列女傳 義烈一

八

凌克咸妻沈氏廬江人夫故孀居翁太學生凌寅年逾

七十咸豐辛酉聞賊將至具酒食奉翁請先避潛入後

園池中死咸弟克鼎繼妻鍾氏亦死已 旌

通志
采訪册

徐謝亭妻余氏廬江人年二十六夫故守志咸豐辛酉

遇賊不屈脅之以刃氏怒罵賊以首觸牆死已 旌

通志

采訪册

黃學試妻左氏廬江人年二十八夫故守志紡績資生

上事病姑下撫稚子苦節四十三年咸豐辛酉遭亂自

縊已 旌

通志
采訪册

徐運太 妻陳氏廬江人年二十九夫故守志善事

一作泰

孀姑撫幼子成立咸豐辛酉遇賊不屈死時年六十四

已 旌 通志 采訪册

金民威妻許氏廬江人優增生金帶圍之媳夫有癡疾氏代持家政克盡婦職咸豐辛酉賊至其宅氏自分必死罵賊不屈賊攢殺之身無完膚已 旌 采訪册

徐世俊妻馬氏廬江人年二十夫病刲股和藥以進夫歿守志奉事重闈曲盡婦職咸豐辛酉避亂關河遇賊赴水死時年三十七已 旌 通志 采訪册

鄭培元妻王氏廬江人年二十六夫故守志苦節四十餘年咸豐辛酉賊竄山谷夫柩被焚氏迫往救罵賊遇害已 旌 通志 采訪册

續修廬州府志

卷六十二

列女傳 義烈一

九

金春生妻吳氏廬江人咸豐辛酉在室遇賊猝不及避自分不免給賊曰盍釋我吾與若金賊信之問金藏何所曰在塘坳導而往羣賊爭掘金氏乘閒投水死已 旌 采訪册

馬德良妻崔氏廬江人年十九夫故撫孤守志同治二年賊至赴水死時年五十四已 旌 通志 采訪册

孫世榮妻胡氏廬江人年二十八夫故守志遇賊不屈被賊拷掠死時年六十五已 旌 通志 縣志

張孝增妻蔡氏廬江人年二十五夫故苦節遇賊罵不絕口遂被害時年六十二已 旌 通志 縣志

張遺桃妻陳氏廬江人年二十七夫故飲泣守志苦節多年遇賊不屈被害已 旌 通志 縣志

儒童嚴嗣坤妻鮑氏廬江人年二十二夫故守志孝養
翁姑撫育嗣子苦節二十年遇賊投河死已 旌通志

監生胡對揚繼妻程氏廬江人年二十二夫故守志苦
節二十四年賊至赴水死已 旌縣志

邢維翰妻徐氏廬江人年二十五夫故勵節守志遇賊
不屈死時年四十六已 旌通志

張貴元妻徐氏廬江人年二十四夫故孝事孀姑撫子
成立守志二十餘年賊至投水死已 旌通志

徐家詮妻張氏廬江人年二十二夫故翁姑年邁忍死
守志婦代子職紡績資生旨甘罔缺立姪道南道濟爲
嗣撫養成立道南人泮苦節四十餘載遭亂賊殺道濟

續修廬州府志

卷六十二

列女傳 義烈一

十

氏罵賊亦遇害已 旌通志

金光縣志驥妻王氏廬江人文生王煥章女年十九適

金末三月夫故絕粒數日因姑泣勸乃起後歸母家避

亂遇賊赴水死已 旌通志

張長源妻徐氏廬江人與金宗貴妻夏氏相友善遇賊

携手投河死已 旌通志

何臨周妻陳氏廬江人夫故臥牀不起絕粒以殉建坊

八窖山縣志

庠生鮑焯妻張氏廬江人中憲大夫庠生鮑雲鵬四媳

也氏年二十一夫故衰經皆重襲曰吾爲姑百年後服

也遂託孤於娣姒卽吞金絕粒四日殉烈先是焯長兄

議敘九品忻妻趙氏因姑病篤百藥罔效刲肱救愈次

兄世傑早卒妻程氏矢志守節經巡撫翁同書以忠孝

節烈萃於一門具題奉 旌縣志

楊孝增一作曾妻俞氏廬江人年二十九夫故孀居苦節

三十餘年賊至抗聲詈罵不屈死已 旌縣志

張鼇士妻劉氏廬江人夫故孀居苦節四十餘年遇賊

投水死時年六十九已 旌縣志

王克勤妻夏氏廬江人年二十一夫故守節五十餘年

罵賊被創不屈死時年七十四已 旌縣志

盧德恆一作衡妻朱氏廬江人夫故守節三十餘年罵賊

被殺時年六十已 旌縣志

續修廬州府志

卷六十二

列女傳 義烈一

十一

候選鹽知事胡彭齡側室晏氏廬江人遭亂與胡仁靄

妻劉氏僕婦杜氏隨彭齡等避亂姑蘇城陷一家遇難

男婦死者八人已 旌冊採訪

儒童艾賢妻彭氏廬江人年二十一夫故絕粒以殉教

諭汪坤旌其室曰烈凜冰霜代詳請 旌入總坊冊採訪

冊志

李世臣一作成妻張氏廬江人鄉飲介賓張延年女年十

八夫故絕粒以殉已 旌建坊冊採訪

監生金燮妻程氏廬江人年二十八夫故誓不獨生自

刎而死已 旌建坊東門外冊採訪

李春生通志作椿森妻王氏廬江人年十九于歸未兩月夫

故絕粒吞金以殉已 旌建坊東門外通志采訪册

文生孫勳通志作襄妻朱氏廬江人年十九夫故絕粒而死

已 旌建坊柳樹巷通志采訪册

徐立貴妻朱氏廬江人夫病刲股和藥晝夜哀禱夫卒

不起為夫立嗣從容絕粒而死已 旌坊建鑛山坂通志

采訪册

儒童盧佳桐繼妻疏氏廬江人因夫病故子女俱幼慟

不欲生轉念殯殮在卽勉襄大事成服盡禮擇期發引

攜子女往奠哀動路人葬畢以其子託兩伯父哽咽告

語殘喘僅存自將其嫁時吉服分贈娣姒另篋檢存其

子衣履夜間潛抱二女赴水死時年二十八已 旌建

續修廬州府志

卷六十二

列女傳 義烈一

十一

坊通志采訪册

汪康太妻夏氏廬江人年二十八夫故守志或欲奪而

嫁之氏剪髮自誓旋請親族為夫立嗣事畢雉經而死

已 旌通志采訪册

谷宗濤妻張氏廬江人天久病氏親嘗湯藥衣不解帶

者月餘夫故絕粒三日翁姑窺其意為之立後氏詣靈

前拜畢謝翁姑是夜乘閒投塘死已 旌建坊西關外

通志采訪册

許敬福妻湯氏廬江人年二十六夫病刲股以進夫歿

閉戶自經已 旌采訪册

宋昌鼎妻徐氏廬江人年二十一善事孀姑姑病賊至

誓死不離側脅以刃氏且泣且罵賊怒攢殺之已 旌

采訪册

吳道淑妻章氏廬江人年二十五避亂遇賊勢不受辱

斷其臂剗其目至死罵不絕口已 旌 通志采訪册

汪發之妻周氏廬江人年二十遭亂夫被擄家日窘謀

鬻氏氏自縊已 旌 通志采訪册

宋東初妻汪氏廬江人年二十三夫死家甚貧子甫三

歲父母將改嫁之氏泣謂鄰媪曰存孤吾責也全節尤

吾責也吾不能兩全矣遂赴水死已 旌 通志縣志

候選布經歷計世元側室洪氏廬江人年二十二夫故

守志苦節二十年遇賊被創自縊死已 旌 通志縣志

續修廬州府志

卷六十二

列女傳 義烈一

十三

邢呈繡妻江氏廬江人年二十二夫故守志上事重闈

下撫孤子苦節十餘年遇賊不屈赴水死已 旌 通志縣志

盧宏遠妻何氏廬江人年二十一夫故守志粵賊肆掠

氏入山避匿以饑死時年四十二已 旌 通志縣志

從九劉友誠妻朱氏廬江人年二十四夫故守志苦節

三十二年賊至懼逼投水死已 旌 通志縣志

陳希傑妻張氏廬江人年二十八夫故守志苦節十九

年遭亂自縊死已 旌 通志縣志

汪某妻丁氏文生丁崇裕妹也廬江人夫故守節三十

餘年賊至厲聲大罵捐軀殉烈已 旌 通志縣志

庠生王章妻盧氏廬江人夫故孀居年四十五避亂河

濱遇賊不屈赴水死已 旌通志

任濟川妻李氏廬江人年二十五夫故守志苦節二十

七年憂亂自縊已 旌通志

孔德成妻高氏廬江人夫故苦節三十餘年賊至赴水

死已 旌通志

盧紹光妻丁通志氏廬江人夫故孀居賊至赴水死之

已 旌通志

蔡楊氏蔡萬青母廬江人夫故孀居苦節數十年罵賊

遇害已奉 旌表通志

張滿立妻周氏廬江人夫故苦節二十餘年賊至不屈

赴水死已 旌通志

續修廬州府志

卷六十二

列女傳 義烈一

十四

洪牧之妻汪氏廬江人年二十九夫故自縊以殉已

旌通志

王賢述妻柳氏廬江人年二十四夫故守志立姪承祧

苦節二十四年賊至投塘死已 旌通志

黃肇一作昭文妻夏氏廬江人痛夫罵賊遇難投水以殉

已 旌通志

盧寶善妻張氏廬江人痛夫遇賊不屈死投水以殉已

奉 旌表通志

庠生王際唐妻束氏廬江人攜子女隨夫避亂中途遇

賊不屈均被殺已 旌縣志

王金鼈妻徐氏廬江人文生王瑩母忿賊蹂躪以磚擊

賊罵且烈賊怒殺之已 旌采訪冊

張甫一作輔文妻徐氏廬江人因夫病不忍離遇賊不屈

死已 旌通志采訪冊

金祿生妻王氏廬江人救夫罵賊受傷赴水死已 旌

通志采訪冊

從九姚長馥部案作福妻劉氏廬江人賊至投水賊退氣未

絕鄰人救之起氏曰與其受污而死何如全節以終復

人水死已 旌通志采訪冊

王立可妻盛氏廬江人隨夫避亂河曲賊至勢迫囑夫

馮河已與二子一女俱赴水死已 旌采訪冊

提舉銜布理問吳履坤妻計氏廬江人候選鹽運司經

續修廬州府志

卷六十二

列女傳 義烈一

十五

歷計樹春女隨翁姑避亂賊猝至義不受辱投水死時

年二十二已 旌縣志

唐云先妻王氏廬江人年二十六家貧夫遠出營生有

強暴者踰牆凌辱氏號喊始遁後月餘夫歸氏泣訴之

遂投繯死事聞於官正強暴罪鄰里婦女各典釵珥積

資為建坊於桐邑大關縣志

孫須謙妻周氏廬江人年二十六夫故悲泣欲殉奈有

孕中止生子百日殤遂不食死已 旌縣志

黃詠桃部案作陶妻歐陽氏廬江人年二十一夫故僅一子

粵賊至子被擄氏救子被毆斃時年六十二已 旌通志

縣志

武生張占魁妻張氏廬江人年二十二夫故氏欲身殉因撫孤無人遂忍死守志終日飲泣至三十一歲以病死已 旌縣志

宋德配妻盧氏廬江人年二十四夫故守志遇賊被執氏憤罵不屈受刃死時年三十四已 旌縣志

附貢生宛作梅妻計氏廬江人副貢生宛大來之母賊突至氏詈不已受創後投河死已 旌縣志

儒童姚恩沛妻侯氏廬江人年二十二夫故守志養親育子以孝以慈粵賊至被逼不屈遇害已 旌通志縣志

鮑名標妻侯氏廬江人年二十九夫故忍死守志賊至被逼不屈赴水死已 旌通志縣志

續修廬州府志

卷六十二

列女傳 義烈一

十六

儒童蘇雅年妻葉氏廬江人年二十二夫故守志撫子成立苦節四十六年罵賊被殺已 旌通志縣志

張祚炳通志作丙妻洪氏廬江人年二十夫故守志孝事孀姑立姪承祧苦節十餘年遭亂閉戶自縊月餘殯殮顏色如生已 旌通志采訪冊

儒童吳秉淵妻項氏監生項宗燮之女廬江人痛夫罵賊遇害與淵妹同赴水中死已 旌通志采訪冊

盧桂林妻李氏廬江人年三十二避亂遇賊抱子投水死越日得其尸顏色如生子猶在抱已 旌采訪冊

葉在義妻芮氏廬江人年十九夫故家無親屬誓不獨生持刀自刎鄰人救之隔日乃甦族長爲之立嗣苦節

四十六年遭亂赴水死已

旌通志
採訪冊

從九陳曾友妻袁氏廬江人年二十四夫故守志遇賊

被執氏憤罵不屈受刃死時年三十四已

旌縣志

監生金立妻盧氏廬江人攜子長泰避亂賊至擄其子

氏罵賊被砍死已

旌縣志

儒童朱國柱妻盧氏廬江人年二十四避亂遇賊不屈

赴水死

旌縣志

從九凌克鍾妻金氏廬江人隨伯姑董氏避亂遇賊義

不受辱赴水死已

旌縣志

五品銜山西補用知縣許大同妻章氏廬江人避亂遇

賊逼罵賊甚烈誓不受辱赴水死已

旌縣志

續修廬州府志

卷六十二

列女傳 義烈一

十七

儒童孫廣興妻陳氏廬江人文生陳佩女遇賊不屈死

之廣興暨幼子均遇害已

旌縣志

蔡長生妻盛氏廬江人抱女避亂賊猝至氏以死拒賊

女被擲死氏亦被殺已

旌縣志

吳道槐妻盧氏廬江人孝廉方正盧聯鑣之女賊至被

逼不屈赴水死已

旌縣志

王昌

部案
作思

永妻宋氏廬江人年二十一夫病刲肱以救

未愈誓志殉節因防範嚴不獲死抑鬱成疾卒已

旌

縣志

劉壽亭妻王氏廬江人年二十四夫故絕粒以殉已

旌縣志

凌彝器

部案作凌彝

妻姚氏廬江人夫故孀居聞賊至鍵戶

自縊已

旌

通志縣志

鮑省傅妻劉氏廬江人夫被賊擄氏攜子共投水死已

奉旌表

通志縣志

夏張氏廬江人補用千總夏孝濂母罵賊被害已旌

縣志

凌金氏廬江人凌流光母遇賊不屈攜一女一姪女同

投水死已

旌

縣志

黃龍標妻夏氏廬江人年二十痛夫遇難赴水以殉已

奉旌表

通志縣志

黃暘谷妻左氏廬江人年二十五夫故撫二女以守族

續修廬州府志

卷六十二

列女傳 義烈一

十八

人欲奪其志氏剪髮自誓苦節數年遭亂以飢死年四

十有三其次女年十七守母屍不去亦死於側已旌

通志採訪冊

艾銀霞妻卜氏弟銀彩妻萊氏廬江人均遇賊不屈投

塘死已

旌

縣志

黃承禮妻尹氏廬江人痛夫遇難入水以殉已

旌

通志

縣志

楊興華妻劉氏廬江人年二十二生一子未彌月而夫

故氏痛不欲生母往諭之日有遺孤在撫者何人必欲

殉夫待子長成可也氏勉應之平居常以翁姑早背奉

侍不逮為恨時祖棺尚浮厝於土每於叔翁夫弟前以

安葬爲言後葬其祖棺並將夫棺附歸窀穸挈子哭奠
血淚俱下越數年子漸長成爲聘胡氏女氏曰吾事畢
矣仍投池水以殉時年三十一已 旌 縣志
黃長有妻夏氏廬江人夫往江南傭工渡江遭風覆舟
溺死氏得實耗赴水殉節已 旌 縣志
徐長青妻許氏廬江人年二十五夫故守志三十三歲
舅姑去世殯葬後於夫忌日哀泣不已遂赴水死已

旌 縣志

邢道洪妻王氏廬江人年二十六夫故苦節三十餘年

聞賊至畏逼閉戶自縊已 旌 縣志

曾國斯妻王氏廬江人年二十九夫故守志攜孀婦淩

續修廬州府志

卷六十二

列女傳 義烈一

十九

氏避亂以饑死時年六十一已 旌 縣志

吳嘉紹妻劉氏廬江人年二十八夫故守志賊入其室

義不受辱罵且烈賊怒斷其足縛之樹上射之氏嚼舌

噴血濺賊面賊以火鎗擊斃之時年四十二已 旌 縣志

采訪冊

監生樊恕側室劉氏廬江人年二十七夫故守志苦節

十餘年避亂遇賊投河死已 旌 縣志

孫廣和妻黃氏廬江人年二十四夫故守志遇賊不屈

投河死已 旌 縣志

儒童孫貴長妻柯氏廬江人年二十四夫故潛吞金環
絕食三日昏不省事家人覓良方強灌之金墜復甦立

意勺水不入口戚黨以舅姑尚存夫未立後殉夫非孝
勸之乃忍死孝事舅姑撫夫弟成立生子桃爲嗣乃曰
死可無憾卒以哀毀成疾諱病卻醫卒年三十九守節
十六年建坊東門外柳樹巷

縣志

黃葆

部案
作保

生妻吳氏廬江人年二十四夫故只遺一女

翁姑已下世氏誓不欲生因母多病忍死侍養母歿女
年長遣嫁事畢遂不食死已

旌

縣志

庠生馬彬儒妻張氏廬江人副將張登三女光緒八年
氏年二十一夫病晝夜侍湯藥病篤籲天求代及卒氏
碰頭流血誓以死殉家人防閑嚴謹氏矢志愈堅不進

飲食乘隙吞金殞命已

旌

縣志

廣東府經歷呂以桓妻吳氏廬江人平武縣丞吳靜之
女幼明慧知書通大義工文詞造次必循禮法年十七
歸以桓以桓故杭州世家子性放誕不羈出外累月忘
返氏賃敝屋一區親持門戶貧困轉徙卒無懟容以桓
自粵歸留氏於廬江母家自携妾遠遊至浙二年無耗
氏屢寄書問關莫達而以桓訃至聞耗慟不欲生母泣
阻之勸以撫孤氏顧母衰年需人侍奉且聞妾有子已
七歲夫櫬未知所在義不得死也時氏伯兄贊誠官閩
中母病且聾仲兄道尊素癡嫂劉氏性縱佚氏屢規之
慙且慕思敗其節以室口光緒四年正月匿縫人曹某
於房給氏入氏驚走劉復與僕婦拒門氏度不可解倉

卒問以計自脫未幾曹復潛至氏持刃大呼欲刃曹曹駭竄氏自剄家人奪刃不得死劉又給氏赴母所至則曹與傭工王突出氏奮身得脫叫號終夜急赴池自溺不死復縊於牀救而蘇而頸面創痕如劊母至是始知其事惡劉非人類挈氏避之母因抑鬱疾劇氏念身死則母無依母死則冤不白椎心茹痛飲泣晨昏母歿族無賴欺其孱弱攫其貲氏恐終不免於辱乃再縊遇佃妻湯氏阻救仍不得死先是氏頻寄書伯兄贊誠所屬訪其子皆被阻絕及是時贊誠移疾歸氏徒跣至金陵相見慟哭懇其前後被迫狀將以死白明值同里提督吳長慶駐防金陵白其冤於大府大府廉得其實符下

捕曹曹畏罪自殺捕王下獄斬之而贊誠亦自杭州挈氏子歸年已十三矣氏曰吾曩所不即死者以呂氏遺孤未見老母奉侍無人吾之冤未白今冤已白而母養已終孤兒有託吾事畢矣吾何待而不死乎遂徧告族人走之生母厝所整衿仰葯而卒時年三十有五氏矢志殉夫慷慨就義投繯者三自刃者一赴水者一而終於仰葯明志可謂烈矣卒後大府以聞得旨旌表具伯兄贊誠將其櫬歸與以桓合葬爲立石建坊於

墓側

采訪冊

夏其道妻王氏廬江人送姑上船避亂回至途中遇賊

負子投水死已

旌

縣志

張貴元妻徐氏廬江人節婦賊逼投水死已 旌冊 採訪

張拔士妻穆氏廬江人有惡少挑之氏怒自縊死已

旌 嘉慶志

姚錦涵妻張氏廬江人歸姚生一女錦涵素有瘋疾日間作水火不知避氏形影保護得以無虞氏母病歸省方二日而錦涵溺於水氏哀慟呼天深自悔恨誓不獨生翁姑防守之稍弛氏遂自縊死時年二十六桐城舉人張輔贊為立傳已 旌縣志

增生夏美崢妻鄭氏廬江人年二十三夫故止一女忍死守節越二年服闋慟極而絕時年二十五知縣朱元裕旌以額曰亮節千秋已 旌縣志

續修廬州府志

卷六十二

列女傳 義烈一

二十一

劉宗野妻孫氏廬江人年二十三夫故遺孀生二男未週歲家貧以鍼紉自給撫育殷勤二子年十二俱以痘殤氏臥牀絕粒七日死時年三十四已 旌縣志

陳宗檜妻鄒氏廬江人年二十五夫故喪葬盡禮服闋絕粒數日姑泣謂曰汝於夫固盡道矣我將誰依乎氏遂食勤苦奉養遇姑有疾則踧躅不安如是者十年及姑歿哀禮兼盡服闋日仍絕粒死已 旌縣志

儒童朱慎尤妻許氏廬江人年二十四夫故守志孝事重闈遇賊不屈投水死時年五十二已 旌縣志

徐世珍妻王氏廬江人年十八夫故守志孝事孀姑遇賊不屈赴水死時年四十八已 旌縣志

附寄籍

左振鈞妻李氏左正朝妻方氏左啟昆妻徐氏左業救

一作球

妻葉氏均外籍寄居廬江已奉

旌表

廬江縣志

以上烈婦已 旌

王守輅字質中廬江人妻符氏年二十二家貧親老弟幼俱仰給於守輅夫婦值大旱不能備饘粥一家餓幾斃氏曰守死何益盍鬻我然吾願為富家妾不願為貧士妻守輅初不忍既不得已鬻於江南賈既立券相向泣氏曰吾與子永訣矣乞送我登舟甫解纜氏乘間投江死守輅號咷江上袖金而歸終身不娶乾隆五十一

年事 采訪冊

續修廬州府志

卷六十二

列女傳 義烈一

二十二

從九許恩綬妻宛氏廬江人咸豐癸丑粵賊陷城被逼

不屈以刃刺之未殊投井死 縣志

黃理玉妻孫氏廬江人咸豐甲寅因夫被賊擄不屈遇

害氏罵賊受創投水死 縣志

吳三奇妻唐氏廬江人咸豐四年氏年二十痛夫死難

矢志守節賊復至懼辱投水死 縣志

徐應槐妻陳氏廬江人咸豐七年縣城復陷攜五歲子

將投井遇賊不屈罵且烈賊攢殺之子亦遇害 采訪冊

孫榮起妻趙氏廬江人咸豐七年二月二十二日賊過

境被執義不受辱以繩縛之梁上自朝至暮氏願一死

罵賊不絕聲卒被勒死 采訪冊

侯靜遠妻許氏廬江人年十八夫故立嗣守志延師課子讀書鄉里咸推母教焉咸豐七年粵匪復陷縣城四鄉擄掠氏年逾六旬聞賊勢猖獗赴水身死采訪冊

從九丁崇西妻劉氏廬江人年二十咸豐丁巳粵賊肆掠畏逼自縊死縣志

二品封典道銜選用知府劉韶妻王氏廬江人合肥庠生王炳文孫女咸豐戊午避亂遇賊詈罵不屈投水死

縣志

洪讓賢妻李氏廬江人咸豐戊午賊肆掠入其室氏大聲罵賊賊刃之罵益厲遂遇害縣志

凌福田妻李氏廬江人年三十夫故守志咸豐戊午賊

續修廬州府志

卷六十二

列女傳 義烈一

二十四

至畏逼密縫衣裳赴水全節縣志

周錫齡妻王氏廬江人咸豐己未因夫從練攻賊遇難氏比投水以殉村人挽之起遂忍死撫孤未幾孤又殤

氏仍赴水全節時年二十六縣志

嚴嗣智妻胡氏廬江人年二十九咸豐己未痛夫被賊殺號泣數日治喪畢自縊以殉縣志

周恩威妻呂氏廬江人年二十六咸豐己未賊至懼逼自刎死縣志

張邦泰妻鮑氏廬江人年二十二夫故誓以身殉轉念舅姑無人侍養因緩死及舅姑歿而母老無依氏遂歸

養咸豐庚申母卒殯葬後卽赴水死時年四十一縣志

陳心宣妻彭氏廬江人年二十一夫故守節撫穉子成立咸豐庚申粵匪至被逼不屈投水死縣志

張文質妻江氏廬江人年三十夫故守志咸豐庚申賊至逼污不從賊割其耳尋赴水死縣志

王大力妻宛氏廬江人年十八于歸咸豐庚申賊至欲污之氏憤罵不己赴水死時年三十通志 縣志

盧新年繼妻孫氏廬江人年二十八夫故苦節咸豐庚申遇賊不屈赴水死通志 縣志

徐季生妻莫氏徐家議妻何氏李名魁妻周氏皆廬江人咸豐庚申捻匪入境氏均在舟避亂甫解纜見鄰里婦女趨至呼救遂令榜人回舟就岸適賊騎馳至眾急

續修廬州府志

卷六十二

列女傳 義烈一

二十五

迫擁擠登舟舟小忽傾而沒氏等皆溺死眾亦沈於水

縣志

儒童許習禮妻邢氏廬江人咸豐辛酉賊破鄉圩肆焚掠火光燭天氏因姑柩在堂同夫搬運中途遇賊均被

殺采訪冊

江蘇候補同知章華妻吳氏廬江人左都御史吳芳培孫女工部主事吳檀女隨夫避亂浙東咸豐七年夫故守志十一年賊陷省垣氏罵賊遇難通志 縣志

議敘八品汪宗傳妻許氏廬江人年二十八夫故守志

咸豐十一年賊至恐為強暴所辱薙髮剝面攜三歲子

匿空室中以飢死

通志 采訪冊

鄭明方一作才妻劉氏廬江人咸豐辛酉死於賊同死者

長子宏英次子廷瑞媳張氏孫大保一門殉難采訪册

邢治楷妻楊氏廬江人年二十二夫病刲股和藥以進

夫歿守志咸豐辛酉賊遍山谷奉姑攜子逃竄以死通志

采訪册

徐家懋妻張氏廬江人年十八咸豐辛酉賊至舉家驚

走氏獨後家人促之行氏歎曰區區弱質轉徙流離之

中遺累翁姑何取焉遂赴水全節縣志

童應順通志作訓妻張氏廬江人年二十四夫故守志咸豐

十一年拒賊賊怒攢殺之裂其尸通志采訪册

張慎吉妻朱氏廬江人年二十二夫故守志撫孤成立

續修廬州府志

卷六十二

列女傳 義烈一

二十六

授室生孫咸豐辛酉罵賊遇害通志采訪册

苗繼曾妻許氏廬江人夫故守節四十餘年咸豐辛酉

賊至投水死通志采訪册

張復健妻胡氏廬江人年二十九夫故守志紡績養親

咸豐十一年賊猝至掠其家人氏罵賊投河而死采訪册

六品銜文生鮑豐基妻呂氏廬江人郡廩生文偉女咸

豐四年因夫殉難子亦遇害攜兩孫避亂深山十一年

遇賊不屈死通志采訪册

盧天才妻宛氏廬江人咸豐辛酉四路賊塞夫迫投河

氏率其媳吳氏黃氏章氏孫女春香兩孫一姪均赴水

死一家九口同時殉難通志采訪册

芮近仁妻徐氏廬江人咸豐十一年七月十四日捻匪猝至逃避不及欲犯氏罵不絕口賊怒斫傷右股血流衣盡濕氣未絕因亂刃擊死年三十八歲采訪冊

談嶽嶸妻吳氏廬江人女四歲咸豐辛酉俱被賊擄不屈賊殺其夫以沸湯沃其女氏慟極罵賊死通志采訪冊

夏金榜妻沈氏廬江人咸豐十一年賊至逼污不從被殺縣志補遺

夏祚海妻張氏廬江人於咸豐十一年賊逼不從刺傷投水死縣志補遺

夏祥榮妻劉氏廬江人於咸豐十一年賊至懼污投河死縣志補遺

續修廬州府志

卷六十二

列女傳 義烈一

二十七

陳義林妻馮氏廬江人於咸豐十一年賊至懼污投河死縣志補遺

從九鍾崇銘妻包氏廬江人於咸豐十一年賊至懼污投水死縣志補遺

黃業勳妻蕭氏廬江人於咸豐十一年遇賊懼污投水死縣志補遺

謝魯明妻鄧氏廬江人咸豐辛酉捻猝至促夫負母速去氏赴水死采訪冊

左啟堃妻徐氏廬江人年十九咸豐辛酉賊竄金牛氏因姑病不忍離側賊逼近與姑赴水死采訪冊

錢萬存妻陳氏廬江人咸豐辛酉在城遇賊不屈赴水

死子長田奔救亦遇害

采訪冊

議敘九品李紹德妻姚氏廬江人年二十六夫故守節

咸豐辛酉遇賊不屈攜幼子同赴水死

縣志

袁成玉妻張氏廬江人同治癸亥避亂遇賊義不受辱

大聲罵賊引頸受刃而死

縣志

徐祥麟妻葉氏廬江人同治二年賊復至氏迫攜子女

往避百花寨中途遇賊義不受辱罵且烈賊怒斷其喉

子猶覓乳女撫尸慟哭他賊哀之給以菓食得不死越

三日賊退家人得其尸攜子女以歸

采訪冊

王大立妻宛氏廬江人年二十四伉儷甚篤遭亂家貧

幾不能保氏誓不他適同治二年賊復至擄其夫氏投

續修廬州府志

卷六十二

列女傳 義烈一

二十八

水死

通志采訪冊

徐

一作田

發妻張氏廬江人同治二年三月初七日賊

欲污不從被殺投屍入池中池水盡赤

采訪冊

儒童俞昌盛妻張氏廬江人光緒十年八月夫故氏年

二十四歲誓以身殉水漿不入口者三日祖姑泣勸曰

汝有遺娠殉夫非孝也氏始忍死及生女氏愀然曰我

之不卽死者冀遺腹生男承夫嗣耳今生女何生爲吾

將從夫地下家人勸之百折不回絕粒九日死光緒十

一年二月十四日事也

縣志補遺

張希獻妻方氏廬江人方允錫女希獻歿氏青年守志

惡少某入室調之氏厲聲叱拒惡少遁去氏憤激誓不

欲生囑其弟元璽為撫遺孤絕粒十日而死族叔方期猷為作貞烈傳行於世

嘉慶志通志

張行懷妻束氏廬江人被賊逼脅不從刃之未殊雉經

死

縣志

何慶宜妻甘氏廬江人年三十遇賊懼辱攜子赴水死

縣志

許道盛妻王氏廬江人粵賊至逼污不從投水死

縣志

施成玉妻方氏廬江人同夫避亂遇賊夫被殺氏投水

以殉

通志縣志

童德山妻陳氏廬江人年四十二夫被賊殺氏投水死

通志縣志

續修廬州府志

卷六十二

列女傳 義烈一

二十九

四川南充縣知縣鍾崇基繼妻陳氏廬江人遇賊不屈

投井死

縣志

陳道友妻曹氏廬江人夫被賊殺氏攜子女入水以殉

縣志

庠生戴龍光妻夏氏廬江人聞夫遇難死之

通志縣志

王守華妻陳氏廬江人年二十八夫故守志撫子鼈成

立娶媳生兩孫一孫女賊猝至厲聲大罵全家遇難

縣志

胡睦瑋妻張氏廬江人年二十七夫在書室被賊猝入

脅降不從慘酷斃命氏重義殉夫不食數日而死

通志縣志

庠生尹汝承妻倪氏廬江人遇賊不屈拷掠死

縣志

陳正森妻柳

一作魯

氏廬江人慟夫遇難絕粒死時年二

十通志
縣志

洪恭長妻王氏洪恭華妻吳氏均廬江人聞賊至懼逼

俱雉經死縣志

花翎都司徐進賢妻汪氏廬江人因夫從征寄居母家

粵賊至被逼不屈攜女赴水死縣志

丁寶林妻李氏廬江人救夫罵賊賊怒砍其手斷其首

死通志
采訪冊

從九陳銓縣志妻周氏監生陳珍妻金氏廬江人避亂

遇賊相攜投水死采訪冊

文生許旺春妻金氏廬江人賊猝至姑老夫病令子更

迭負之以逃氏與夫弟許文科及科妻金氏俱赴水死

續修廬州府志

卷六十二

列女傳 義烈一

三十

采訪冊

武生凌恩廣妻金氏廬江人痛夫罵賊遇難攜子女入

水以殉通志
縣志

孫廣榮妻張氏廬江人慟夫罵賊遇害捐軀以殉通志
縣志

庠生姚文翰妻張氏廬江人聞夫與姑遇難投水以殉

通志
縣志

儒童胡昌化妻姚氏廬江人年二十一夫被賊擄久無

音耗氏晝夜紡績勤懇如常家人憐其少欲改醮氏剪

髮自誓三年後聞夫凶耗哀慟迫切絕粒十有四日而

死時年二十三通志
采訪冊

王大馥妻夏氏廬江人年十九夫故誓不獨生勺水不

入口舅姑再四勸諭之乃徐進飲食卒以哀毀過度死
采訪册

夏良茂妻程氏廬江人年二十四夫故守志賊入其室
猝不及避攜媳程氏同兩歲孫投水死
通志采訪册

張傳家妻曾氏廬江人因夫禦賊被擒救夫罵賊均被
殺
通志采訪册

耆民洪恭彩妻方氏廬江人年八十一夫婦同庚遭亂
救夫罵賊均被殺
通志采訪册

徐翼甫妻朱氏廬江人年二十二夫病賊至懼辱逃匿
比歸夫故一慟而絕
通志采訪册

續修廬州府志

卷六十二

列女傳 義烈一

三十一

氏救夫罵賊均被殺閱日鄰人殮其尸面色如生
通志采訪册

從九凌克豐妻王氏廬江人遇賊不屈赴水死子流澤
姪流淮流春均被殺
采訪册

監生邢坤妻江氏議敘九品邢珍妻李氏廬江人均因
夫帶練陣亡與弟婦張氏並同死難
通志采訪册

文童許定邦妻姚氏廬江人遇賊不屈赴水死時又有
黃長久妻邢氏以手拒賊被殺
采訪册

張德宏妻胡氏廬江人年二十八侍姑病不離側賊欲
辱之赴水死
通志采訪册

王鴻聲妻吳氏廬江人年二十五聞賊入境促夫奉翁

姑先避已負其子將出遇賊赴水死采訪冊

胡法度妻嚴氏廬江人年三十奉孀姑避亂遇賊不屈

脅之以刃氏怒罵賊刳其舌死采訪冊

庠生吳雲衢妻陳氏廬江人子堯臣媳李氏孫秉保孫

女二避亂至劉家渡遇賊投河全家殉難采訪冊

儒童劉有一作友壽妻江氏廬江人年二十夫故無子撫

棺號泣請姑立嗣絕粒吞金而死通志采訪冊

王昌泰妻宋氏廬江人年二十二夫故絕粒吞金以殉

通志采訪冊

黃聽聰妻夏氏廬江人年二十八夫故誓不獨生赴水

死通志采訪冊

續修廬州府志

卷六十二

列女傳 義烈一

三十一

劉自明妻陳氏廬江人夫故竭力營葬畢投水死通志采訪冊

冊志

李白茂妻呂氏廬江人痛夫病故一子早卒竭力營葬

後赴水死通志采訪冊

徐瑞年妻魏氏廬江人痛夫溺死絕食三日自縊以殉

通志采訪冊

陳才三妻尹氏廬江人年二十四夫故營葬畢絕粒七

日死通志采訪冊

周啟林妻陳氏廬江人年十七夫故無子絕粒五日死

通志采訪冊

馬尙傑妻嚴氏廬江人年二十聞夫遇害奔守夫尸賊

退乞鄰藁葬畢亦投縵死采訪冊

儒童張伯杰妻金氏廬江人年二十三夫病瘵親調湯藥衣不解帶者數月疾革執其手相向泣死而復甦者再氏誓與同穴目乃瞑遺腹生男義不容死撫至三歲念兒不母可活乃踐前約於夫死期前一日往奠其墓不食數日卒采訪冊

蔡大章縣志作璋妻許氏廬江人雙目皆盲攜二子避亂鄰

婦許義發妻李氏爲之導賊猝至掠其二子李氏投河死縣志作被殺氏執兒衣不釋手曰甘與子同死不願子從

賊賊怒俱殺之采訪冊

高寶瑚妻孫氏廬江人夫故養親守節賊入其室氏怒

續修廬州府志

卷六十二

列女傳 義烈一

三十三

罵賊擊以杖賊殺之時年七十二通志採訪冊

監生楊履中妻金氏廬江人隨夫避亂遇賊攜子元生

投湖死縣志

薛華觀妻周氏廬江人年十六于歸踰年夫故有遺腹既生女翁姑以氏年少無子將令改適微示意氏哀泣不應至晚沐浴更衣自縊死通志縣志

張大雙妻蘇氏廬江人夫故無子絕粒六日以殉時年

三十六通志縣志

夏佩儒妻李氏廬江人年三十八賊至擄其夫並幼女

氏救夫罵賊被焚死通志縣志

邢治皋妻劉氏廬江人年二十九夫故守節矢志靡他

賊至被逼不屈投水死縣志

庠生徐兆鴻妻江氏廬江人年二十五姑死賊猝至不
及避兆鴻遇害氏及一子一女赴水死縣志

宋劉氏廬江人守節多年遭亂自縊賊退百餘日殯殮

顏色如生通志采訪冊

武生余青雲妻錢氏廬江人夫故孀居避亂遇賊攜女

赴水死通志采訪冊

張紹義妻王氏廬江人年二十四賊至逼污不從連刃

刺死縣志

舉人陳茂杰繼妻盧氏廬江人賊逼不從大聲詬罵被

殺縣志

續修廬州府志

卷六十二

列女傳 義烈一

三十四

郭雲漢妻倪氏廬江人年二十一痛夫遇難投水以殉

縣志

張期申妻高氏廬江人年十六賊至逼污不從投水死

縣志

朱起美妻夏氏廬江人年三十痛夫被賊殺不食死縣志

王思義妻袁氏廬江人賊逼不從以繩繫於樹勒死縣志

許道和妻呂氏廬江人夫故守志捻匪入境懼污自經

縣志

章應廣妻胡氏廬江人遇賊不屈被刃死縣志

吳良靖妻呂氏廬江人痛夫禦賊陣亡赴水以殉縣志

胡長根妻陳氏廬江人賊至被逼不屈投水死縣志

董德勝妻張氏廬江人被賊逼不屈投水死縣志

張文林妻陶氏廬江人賊逼不從被救死縣志

孫文林妻王氏廬江人年二十七夫故忍死守志歷節至七十一歲賊至以首撞石死縣志

黃業勲妻葉氏廬江人年二十四賊擄其夫氏被逼不

屈攜子勤保同赴水死縣志

張應柏妻胡氏廬江人粵賊竄鄉拘柏使爲肩其所刦之物柏不從賊執之去旬日不返氏詢問於逃歸者言柏不屈死賊中遂呼天搶地夜間自縊以殉時年二十

六縣志

楊萬薇妻徐氏廬江人年二十九夫被賊脅降不從遇

續修廬州府志

卷六十二

列女傳 義烈一

三十五

難氏聞凶耗誓以身殉水漿不入口者數日時翁姑在堂諭以撫孤大義乃忍死守志未彌月仍鬱悶成疾卒

縣志

徐某妻劉氏廬江人年二十七夫故守節一子早殤捻賊至索財物氏給之曰吾之財物皆匿諸水賊信之使往取行至塘坳奮身躍入水中賊挽之起氏肆罵不絕被火焚體而死時年逾六十一孫亦被殺屍俱無存縣志

陳順理妻嚴氏廬江人嚴洪誥女幼適陳事舅姑能先意承志舅姑繼歿號痛幾絕年三十一隨夫依母家避亂時值瘟疫順理故氏以死殉兩次投縵皆遇救免泣謂諸孤曰夫死義不獨生吾不能復相顧矣防之稍倦

遂投水死縣志

余國瑩妻凌氏廬江人年二十四夫病兩次割肱以救夫歿終日哀痛成疾而死縣志

吳松柏妻黃氏廬江人年十七夫婦扶母避亂至無爲州界遇賊促夫負母以逃遂赴水死縣志

監生陳業賢妻金氏從九陳業俊妻周氏廬江人聞賊逼近向姑慟泣曰媳不能養矣賊至妯娌二人攜手赴

水死縣志

王榮江妻洪氏廬江人盲於目賊至擄掠氏罵不絕口賊以石擊其首腦漿流地復用火焚其屍縣志

陽東化妻李氏廬江人年九十六粵賊入境孫寶財肩

續修廬州府志

卷六十二

列女傳 義烈一

三十六

負以逃適賊至追及之寶財奪刀殺賊不克而死氏罵賊不止亦觸死於地縣志

魏夏氏一作楊氏廬江人魏書倉母年二十五夫故守志撫

子成立遇賊抗節不屈赴水死通志縣志

王義和妻黃氏廬江人夫故守志堅貞遇賊殉節縣志

王金扶妻李氏廬江人年二十四夫故誓以身殉翁姑泣勸曰吾老矣汝死吾將何恃氏遂忍死守志越數年

翁姑相繼逝以禮殯葬時值兵燹鄰婦相率避亂氏歎曰未亡人向所以偷生者徒以翁姑存耳今翁姑見背

賊氛逼近而乃流離道路間乎遂赴水全節時年二十

八縣志

陳益文妻曹氏廬江人年二十六夫故事姑以孝聞撫育幼子成立延師課讀粵賊肆掠氏與兒媳並孫遇難

縣志

儒童周啟鈞妻夏氏廬江人年二十二夫故守志賊至被逼厲聲大罵賊怒殺之碎其屍

縣志

董在益妻姚氏廬江人年二十九夫被賊戕氏聳身溺水鄰人救免月餘嘔血數升而死

縣志

陳啟鐸妻某氏廬江人隨夫避亂無爲州適賊猝至不及避有女抗聲大罵賊怒將氏夫與女并殺之氏旋亦

自盡

縣志

庠生姚繼鐸妻夏氏廬江人捻匪肆掠拘氏索金不應

續修廬州府志

卷六十二

列女傳 義烈一

三十七

刃之子起孝救護俱被殺

縣志

錢禮貴妻洪氏廬江人年十九賊至被逼肆聲大罵抵死不從賊怒殺七刀而死

縣志

呂慎先妻陳氏廬江人舉人陳茂杰女年二十八夫故守志撫孤避亂黃屯捻匪至畏逼投水死

縣志

王有富妻胡氏廬江人賊至被逼自縊死子大毛保被擄養媳汪氏年十四見姑死夫又被擄亦投塘以殉

縣志

唐勝全妻馬氏廬江人捻匪猝至氏避入厝樞內匪擒出脅之氏罵不絕口賊怒懸於樹勒死

縣志

魯維青妻吳氏廬江人夫故遺三子長次教之耕季子教之讀勤苦持家撫育苦守捻賊至氏命長子次子助

練禦賊大凹山口季子正東在家侍奉練破促東外出
逃避東誓死不離氏乘間投水全節縣志

許文元妻徐氏廬江人年二十八夫故家貧守志忍受
饑寒粵賊至被逼不從投水死時年五十八縣志

劉壯修妻姚氏廬江人夫故守志無嗣賊至奪其食氏
罵賊受傷因餓死屍骸無踪縣志

許從高妻王氏廬江人年三十夫故矢志守節賊至逼
污不從殺之焚其屍縣志

庠生王珽妻周氏廬江人性貞淑知大義夫病侍湯藥
不忍離側適賊至逼之急投水死縣志

金墨林妻曹氏廬江人孝子曹殿梁女夫故氏年二十

續修廬州府志

卷六十二

列女傳 義烈一

三十八

撫孤守志孝養翁姑賊至懼辱自經死縣志

黃朝雅妻程氏廬江人年二十九夫故守志賊猝至獨
奔宅後賊脅之不從被亂刃刺死縣志

黃成智妻徐氏廬江人年二十九夫故撫孤守志避亂
遇賊攜二子一女赴水死通志 縣志

張福賢妻歐陽氏廬江人年二十九夫故守志賊至懼
辱急行赴河賊追殺之通志 縣志

王大志妻盧氏廬江人年二十八夫故守志撫孤成立
遇賊懼逼從容赴水死通志 縣志

張長同妻金氏廬江人金玉倉女年二十三遇賊於張
家小壩畏逼攜子同赴水死縣志

周良友妻朱氏廬江人年十九于歸甫而月夫歿守節三年遇賊被逼不屈赴水死縣志

蔡春發妻洪氏廬江人年三十夫故守志歷節至五十七歲賊至抗節不屈遇害縣志

從九黃業俊妻何氏廬江人年二十五夫故守志奉事孀姑撫子成立賊踞境以饑死子晉楷入邑庠縣志

崔世和妻朱氏廬江人年二十二夫故遺腹生子祺發撫養成立苦節四十餘年賊至投水死縣志

宋東初妻江氏廬江人夫故子幼父母欲奪其志赴塘死通志按前有宋東初妻汪氏旌姓氏不符未敢臆刪

續修廬州府志

卷六十二

列女傳 義烈一

三十九

肆罵不止被刃刺死

縣志

谷宗漢妻劉氏廬江人年二十六生一子夫死賊難氏絕粒數日母子均餓死縣志

董玉喜妻胡氏廬江人因夫被賊殺攜長子留保次子小留逃避賊追及並殺之縣志

黃繼美妻洪氏廬江人洪其德女年四十四賊至被擄逼歸女館氏誓死不從遂被害縣志

徐運陽妻陳氏廬江人年二十八夫故守志事姑育子備歷艱辛捻賊至逼污不從被殺縣志

郭雲開妻陳氏廬江人年二十八夫故守志至八十二歲賊至厲聲大罵遂遇害縣志

陳立添妻吳氏廬江人年二十二夫故守志撫姑苦節十七年賊至被逼投水死縣志

陳慶邦妻張氏廬江人年二十八夫故守志賊至被逼抗節不屈遇害時年四十二縣志

張寶田妻周氏廬江人年二十二夫故矢志守節捻賊至被逼不屈赴水死縣志

許良玉妻郭氏廬江人年二十八女八歲子甫三歲賊至被逼母子三人俱投水死縣志

盧成篇妻喬氏廬江人年十九夫故守志遇賊不屈從容赴水死時年四十九通志

李建章通志妻姚氏廬江人庠生姚繼鐸女年二十健漳

續修廬州府志

卷六十二

列女傳 義烈一

四十

四夫故撫孤守志避亂遇賊攜子投水死通志

陶啟盛妻蔡氏廬江人年十六賊至被逼投水死縣志

蔡大寮妻尹氏廬江人善事孀姑寮被賊擄氏奉姑避亂遇賊姑幾死氏救姑罵賊遇害通志

沈必榮妻徐氏廬江人賊迫其姑氏救姑被殺通志

程光第妻何氏廬江人避亂遇賊賊執之不釋氏且號且罵脅之以刃罵愈烈賊殺之采訪冊

胡碩甫妻孫氏廬江人年逾六十死於賊姒王氏亦遇賊害姪元生姪孫奎庚奮勇殺賊不克死采訪冊

周芳敦妻徐氏廬江人監生徐金調次女年二十九夫故守志在張家圩避亂賊猝至赴水全節時年六十四

縣志

張和中妻韋氏廬江人夫故茹苦守志避亂遇賊罵不

絕口被殺時年六十五

通志 縣志

邢治來妻許氏廬江人年二十六夫故茹苦守志避亂

遇賊義不受辱赴水死

通志 縣志

劉仲美妻馬氏廬江人聞夫遇難投水以殉

通志 縣志

孫貴三妻嚴氏廬江人年二十一夫禦賊戰死屍骸無

踪氏悲痛難禁遂招魂祭奠每哭泣必背翁姑恐重傷

翁姑心平日慘默無言事翁姑極孝服闋日語姑曰媳

不能終事矣絕粒以殉

通志 縣志

孫廣勲妻陳氏廬江人賊陷城逼污不從賊怒殺之焚

續修廬州府志

卷六十二

列女傳 義烈一

四十一

其屍子四喜年五歲亦被殺

縣志

張觀恆妻朱氏廬江人夫故苦節三十餘年賊至罵不

絕口被害時年六十

縣志

庠生計遠皋

一作高

側室周氏廬江人年二十三夫故守

志攜媳金氏暨一女避亂東鄉遇賊不屈赴水死時年

四十三

通志 縣志

儒童黃盛全妻吳氏廬江人年二十三夫故苦節多年

賊至被逼不屈遇害

通志 縣志

儒童宋禩安妻汪氏廬江人年二十夫故苦志堅守粵

賊肆掠懼逼投河死

通志 縣志

夏三山妻張氏廬江人三山病重氏奉藥不離側賊殺

其夫氏慟極罵賊亦被殺子女均遇害通志采訪冊

蔡齊列妻夏氏廬江人夏合武女賊迫義不受辱與夫

同日殉難采訪冊

徐廷秀妻萬氏廬江人年二十七夫故茹苦守節粵賊

至氏在石峽口避亂因賊逼近遂投澗死通志縣志

顧自起妻許氏廬江人年二十六夫故苦志守節多年

賊至厲聲大罵被害通志縣志

許文諒一作亮妻吳氏廬江人年二十二夫故守志苦節

多年賊至被逼不屈受創死通志縣志

袁煥章妻胡氏廬江人年三十夫故苦節至六十一歲

遇賊憤罵不已拷掠死縣志

續修廬州府志

卷六十二

列女傳 義烈一

四十一

武生胡義妻吳氏廬江人年二十五夫故守志賊至恐

玷清操從容赴水死縣志

李和謙妻籍氏廬江人偕夫妹避亂於六叢圩賊猝至

逐之與夫俱投水死縣志

儘先副將張應一作映球妻吳氏廬江人避亂澤城賊猝

至義不受辱抱子投井死縣志

儒童朱家植妻陳氏廬江人捻賊肆掠氏遇賊被逼不

屈投白湖死時年二十四縣志

儒童徐道容妻朱氏廬江人年二十夫被賊殺氏悲泣

不已嘔血數升逾月而死縣志

張家藝妻史氏廬江人藝赴練禦賊受傷死氏攜幼子

避亂遇賊不屈死屍俱無蹤

志縣

盧自起妻汪氏廬江人年二十八夫故矢志欲殉家人勸止飲泣經年託病不食而死

志縣

張光遠妻宋氏廬江人年二十三夫故茹苦守志歷節五十九歲罵賊被害

志縣

監生許際瑞妻吳氏廬江人年四十七因避亂尋親行至中途遇賊不屈被殺

志縣

孟士寬妻胡氏廬江人年五十三避亂遇賊厲聲大罵賊怒殺之分裂其屍

志縣

洪熙明妻盧氏廬江人年二十二痛夫被賊擄不屈投水死氏亦赴水以殉

志縣

續修廬州府志

卷六十二

列女傳 義烈一

四十二

候選從九陳昌汝妻周氏廬江人攜女隨姑避亂賊至被逼不屈投河死

志縣

監生黃彬妻張氏廬江人張時和女也年十八聞賊逼近懼辱紉衣投水死

志縣

宋禊積妻高氏廬江人年二十九夫故茹苦守志賊至被逼抗節不屈投水死

志縣

補用總兵張序賢妻江氏廬江人年三十三避亂遇賊畏逼抱幼子投井死

志縣

鄭有盛妻夏氏廬江人年七十二罵賊被焚死子開泰極力救護被刃刺死

志縣

徐振翰妻劉氏廬江人年三十夫故守志粵匪入境氏

密縫衣裳從容投水死縣志

六品軍功洪言仁妻吳氏廬江人粵賊入室氏奪刀殺賊不中被殺碎其屍縣志

汪夢新妻宋氏廬江人隨夫避亂遇賊夫被賊殺氏懼汚抱幼子同赴水死縣志

張治安妻王氏廬江人年二十夫故忍死守志終日飲泣以哀毀成疾卒年二十四縣志

柯愼二妻孔氏廬江人年七十二賊猝至家人未及避氏力庇幼婦被賊穿喉刺死縣志

張啟宇妻楊氏廬江人年二十五賊至被逼抵死不從賊鞭之乘間投塘死縣志

續修廬州府志

卷六十二

列女傳 義烈一

四十四

王必明妻吳氏廬江人因夫被賊逼擔所劫之物不屈被殺氏號痛罵賊負週歲子投水死縣志

王賓魏妻蔡氏廬江人因夫被賊擄牽衣不釋痛哭求脫賊不應斷其指氏放聲大罵賊怒寸磔之縣志

監生洪正奎妻王氏廬江人賊入室擄其子氏持刃刺賊不中反刃自刎死縣志

王振鏞妻吳氏廬江人年二十四夫被擄氏救夫罵賊賊怒欲傷之氏攜三歲子投水死縣志

朱奎盛妻管氏廬江人年二十六遇賊急躍入池中水淺未沒賊給之起不應賊用長予刺死縣志

袁盛啟妻趙氏廬江人年二十夫故氏絕粒數日姑力

勸之始進飲食旬日內痛極而死

縣志

張永來妻左氏廬江人年二十八夫故忍死守節家人

欲奪其志遂投水全節

縣志

萬金榮妻鮑氏廬江人子玉才被賊擄嚇令挑糧氏極

力救護賊以刀背打死

縣志

尹劉克諧妻柳氏廬江人年二十五夫故守志多年聞

賊至密縫衣裳赴水死

縣志

丁時中妻袁氏廬江人年三十夫故守志節操彌堅賊

至被逼不從拷掠後焚死

縣志

夏椿年妻柳氏廬江人年二十六夫故守志足不越戶

聞賊至周身縫紉赴水死

縣志

續修廬州府志

卷六十二

列女傳 義烈一

四十五

曹在田妻丁氏廬江人粵賊肆掠氏倉皇赴水賊挽之

起氏罵不絕口賊怒刺之受傷七處而死時年二十九

縣志

夏良才妻吳氏夏良元妻李氏廬江人捻匪入境同夏

禮文女攜手投菱角河死賊退斂屍手猶未釋

縣志

盧美兆妻吳氏廬江人捻匪入室氏懼污藏入夾牆中

賊脅之誓死不出賊毀牆壓死

縣志

魯懷德妻陶氏廬江人年二十六夫故守志撫子秀琨

成立賊至被逼不屈投水死時年四十

縣志

張大勛妻陳氏廬江人慟夫罵賊遇難攜子赴水以殉

通志
縣志

葉玉美妻魏氏廬江人賊逼不屈抱穉女投水死縣志

邢治珩妻江氏廬江人見夫殉難絕粒七日死縣志

盧佳朝妻吳氏廬江人夫從練勦賊遇害氏聞耗殉節

縣志

崔先拔妻李氏廬江人子被賊擄氏救護遇害縣志

邢義林妻陳氏廬江人避亂在外聞夫被賊殺憤怒罵

賊奔歸闔戶自經死縣志

張善良妻徐氏媳黃氏廬江人賊入室同持農器拒賊

俱被殺縣志

呂正懷妻胡氏廬江人賊逼不屈大聲詬罵遂遇害子

亦被擄縣志

續修廬州府志

卷六十二

列女傳 義烈一

四十六

姚得珍妻陳氏廬江人年二十八夫故絕粒不食而死

縣志

陳基哲妻張氏廬江人年十八夫故絕粒不食十日而

死縣志

庠生徐振宇妻張氏廬江人年二十四夫故殮屍事畢

自經死縣志

李先成妻趙氏廬江人年二十八夫故守志遇賊不屈

赴水死通志
縣志

許義德妻羅氏廬江人年三十夫故守志遇賊懼逼赴

水死通志
縣志

李盛先妻談氏廬江人年二十夫故守志遇賊不屈被

殺志縣

張華禮妻洪氏廬江人年二十一夫故守志遇賊懼辱

赴水死通志縣志

從九徐家茂繼妻孫氏廬江人夫被賊殺氏殮葬畢自

經死志縣

何長庚妻陳氏廬江人年二十三遇賊被逼不從投青

帘河死志縣

夏良臣妻徐氏廬江人年十八賊至義不受辱被連刃

刺死志縣

洪文光妻姚氏廬江人年二十五賊掠其夫氏救夫同

被殺志縣

續修廬州府志

卷六十二

列女傳 義烈一

四十七

把總鍾家佑妻包氏廬江人年二十五聞夫歿於營次

慟哭祈死戚族以祖姑年近八旬翁衰憊姑死弟幼恐

負不孝名勸毋死氏強起侍奉越數年夫弟完姻氏往

奠夫墓仰天泣曰內政得有畀託吾事畢矣遂飲藥死

時年三十二通志采訪册

王學達妻徐氏廬江人年二十三夫故守志賊至懼逼

投水死志縣

從九許超妻陳一作程氏廬江人遇賊不屈負子投塘死

志縣

夏良連妻崔氏廬江人聞夫死難罵賊遇害次女亦投

塘自盡志縣

徐長發妻朱氏廬江人攜孫避亂賊擄孫氏觸石死志縣

童銀倉妻王氏廬江人年八十一忿賊淫掠罵賊被害

志縣

從九凌樟妻張氏廬江人事姑最孝避亂遇賊不屈赴

水死志縣

張雲彩妻徐氏廬江人事孀姑以孝寇肆虐氏因夫病

足不忍去賊至見殺采訪冊

畢渭濱妻孫氏廬江人幼嫻閨訓遇賊懼逼投水死志縣

謝榮彩妻鄧氏廬江人見賊殺其長媳投水死志縣

曹德澤妻傅氏廬江人率子女避亂河畔遇賊不屈受

刃死志縣

續修廬州府志

卷六十二

列女傳 義烈一

四十八

胡發駿妻吳氏廬江人痛夫從練遇難號泣不食投水

死志縣

郡庠生徐冠廷妻馬氏廬江人隨夫避亂中途遇賊同

時殉難志縣

何乘基妻劉氏廬江人遇賊懼污棄子於岸投河死志縣

袁萬避妻楊氏廬江人年逾八旬罵賊被殺志縣

張永基妻朱氏廬江人年二十二歸甫七月隨祖姑

避亂浮山聞夫被擄赴水殉烈通志縣志

安能貴妻羅氏廬江人捻匪至被逼不屈攜幼女投水

死志縣

查長齡妻鄭氏廬江人賊至索財物拷掠後被焚死志縣

楊華山妻陳氏廬江人遇賊不屈被賊用洋鎗擊死志縣

副將銜潘鼎臣妻張氏廬江人隨翁姑避亂中途遇賊

以幼子付翁姑已投塘死面如生采訪冊

邢治民妻吳氏廬江人年二十七夫故守志遇賊憤罵

不已被刃傷赴水死通志縣志

章光普妻賈氏廬江人年登八十粵賊復至毀其家氏

罵之被賊砍傷投水死志縣

徐昆美妻程氏廬江人賊至五子皆被殺氏自經死志縣

黃世信妻王氏廬江人賊至懼為所逼攜五歲子赴水

死志縣

夏良瑚妻徐氏廬江人痛夫被賊殺攜子掩屍畢投水

續修廬州府志

卷六十二

列女傳 義烈一

四十九

死志縣

歲貢生崔雲梯妻袁氏廬江人因夫被賊戕憤怒罵賊

被賊擊死志縣

邵朱氏廬江人邵美和母聞賊將至畏逼先行自縊志縣

夏中滿妻洪氏廬江人遇賊畏逼攜幼子赴水死志縣

徐能發妻劉氏廬江人遇賊不屈賊以繩勒死志縣

從九李克仁妻王氏廬江人聞賊逼近鍵戶自縊死志縣

黃更傳妻蔡氏廬江人年五十餘罵賊遇害志縣

吳朗初妻張氏廬江人被賊獲不屈賊用火槍擊死志縣

陳得義妻崔氏廬江人聞夫遇賊被害號泣投塘死志縣

張光運妻董氏廬江人隨姑避亂東渡嘴捻粹至懼辱

投水死縣志

陳茂溶妻徐氏廬江人垂老遇賊以首撞死縣志

五品銜江蘇卽補縣丞陳業滋妻周氏廬江人罵賊被

殺縣志

許廣生妻夏氏廬江人年二十八被賊逼攜幼子共投

水死縣志

徐其光妻吳氏廬江人年十六聞夫遇難痛哭罵賊投

水以殉縣志

錢盛有妻孫氏廬江人痛夫被賊殺投塘死縣志

徐運榮妻姚氏廬江人痛夫被賊逼投水死氏從殉縣志

孫應奎妻某氏廬江人遇賊畏逼投水死縣志

續修廬州府志

卷六十二

列女傳 義烈一

五十

陳李氏廬江人陳玉貴母孀居罵賊被焚死通志

夏長發妻夏氏廬江人被賊逼投水水淺未沒賊以槊

刺死縣志

程黃氏廬江人遇賊不屈被害縣志

何成貴妻夏氏廬江人遇賊不屈被刺傷投水死縣志

徐廷輝妻方氏廬江人遇賊不屈被刺死縣志

曾德三妻周氏廬江人賊逼不從被連刃刺死縣志

許繼綱妻何氏許家珍妻夏氏廬江人以夫從練攻勦

竹青山賊壘練潰賊圍其宅脅之不從死縣志

湯時中妻夏氏廬江人痛夫賊至遇難投水以殉縣志

王明光妻陳氏廬江人賊逼不從引頸受刃死縣志

張詩院妻黃氏廬江人痛夫禦賊被殺慟哭數日不食
死志縣

黃聚才妻鄭氏廬江人與夫俱被賊擄不屈同受刃死
志縣

祁志觀妻徐氏廬江人與子忠雅遇賊不屈均投水死
志縣

唐肇基妻高氏廬江人年十六賊入義成圩擄掠畏逼
投河死志縣

徐道美妻馬氏廬江人遇賊罵不絕口投水死志縣
徐廷照妻吳氏廬江人賊脅不從被剗死志縣

續修廬州府志

卷六十二

列女傳 義烈一

五十一

刃死志縣

守備張思恭妻朱氏廬江人聞賊至懼污密縫衣裳投
水死志縣

候選從九何家閑妻夏氏廬江人不為賊屈投河自盡
志縣

候選從九何立德妻李氏廬江人遇賊不屈攜幼子同
投河死志縣

監生凌汝成妻鍾氏廬江人聞賊至密縫衣裳投水死
媳張氏同時投水死志縣

何鴻章妻王氏廬江人賊至被執憤罵不從遇害志縣
盧佳榿妻丁氏廬江人年二十七賊至義不受辱投水

死縣志

從九柏生福妻葉氏廬江人罵賊受創投水死縣志

盧佳真妻何氏側室孫氏廬江人賊至被逼不屈均赴

水死縣志

陳彭齡妻夏氏廬江人年六十避亂山中賊至餓死屍

骸無蹤縣志

羅餉榮妻黃氏廬江人在吳家渡避亂遇賊不屈投河

死縣志

徐咸五妻洪氏徐化鼈妻李氏胡明珠妻徐氏陳立言

妻蕭氏孫芝圃妻劉氏汪體先妻張氏孫華久妻夏氏

孫凌發妻王氏俱廬江人均痛夫罵賊遇難投水以殉

續修廬州府志

卷六十二

列女傳 義烈一

五十一

通志縣志

盧宗耀妻吳氏王鳳林妻朱氏許志發妻徐氏李恆山

妻趙氏俱廬江人賊逼不屈均被刺死縣志

蕭娘光妻鍾氏高得才妻王氏錢滿倉妻姚氏汪錦堂

妻張氏俱廬江人均痛夫遇難罵賊被殺通志縣志

從九鞏繼亨妻尹氏張才發妻許氏俱廬江人均聞夫

被擄舉聲長號尋赴水死通志縣志

從九張鼎清妻趙氏許炳一作煥辰妻張氏許輔才妻張

氏邢紹緯妻鄭氏俱廬江人均見夫被擄罵賊投水死

縣志

郭訓繡妻潘氏郭訓相妻李氏徐慶隆妻李氏俱廬江

人均痛夫從練攻賊被殺投水以殉

縣志

程有元妻楊氏陳立倫妻崔氏秦宗貴妻吳氏徐金堂

妻鄭氏均廬江人俱痛夫被賊殺投水以殉

縣志

監生陳長壽妻劉氏王其文妻徐氏徐家習妻朱氏廬

承英妻施氏黃羣占妻黃氏俱廬江人均聞賊至懼辱

自經死

縣志

史榮福妻黃氏程殿魁妻施氏張誠起妻楊氏唐賢堇

妻胡氏俱廬江人均遇賊不屈被焚死

縣志

李明皆妻張氏宛新周妻許氏王其華妻張氏高調陽

妻夏氏俱廬江人賊至逼污不從均被殺

縣志

王業盛妻朱氏吳已成妻張氏張名德妻汪氏侯某妻

續修廬州府志

卷六十二

列女傳 義烈一

五十二

高氏俱廬江人均罵賊被害

縣志

孫廣祿妻陳氏廬江人避亂遇賊夫被賊擒牽裾號泣

死不釋手賊怒殺其夫氏披髮罵賊與子守其屍不去

賊並殺之火其屍

通志
採訪冊

王寶三妻鄭氏王豐盈妻雲氏俱廬江人賊至均拒污

被擊死

縣志

張啟元妻王氏湯大成妻郭氏俱廬江人均痛夫遇難

罵賊被殺

縣志

朱成義妻黃氏周盈科妻黃氏俱廬江人均遇賊受創

投井死

縣志

何先庚妻張氏張成杰妻梅氏俱廬江人均被逼不從

投湖死縣志

芮起元妻吳氏朱有道妻湯氏俱廬江人均遇賊受創

自縊死縣志

潘國賓妻尹氏蔡鼎元妻齊氏章盛翹妻陳氏徐文質

妻蔣氏徐凱八妻錢氏俱廬江人均痛夫被賊殺絕粒

不食死縣志

呂鳳能妻黃氏田賢能妻朱氏孫奇馥妻夏氏徐占鼇

妻馬氏黃儉倉妻張氏俱廬江人均避亂遇賊與夫同

日遇害縣志

吳義成妻羅氏許文彩妻周氏高書同妻何氏邢敬臣

妻鄭氏俱廬江人遇賊逼污不從俱躍入水死縣志

續修廬州府志

卷六十二

列女傳 義烈一

五十四

江家駒妻施氏廬江人年十六遇賊不屈投河死縣志

祁受和妻沈氏廬江人孀居數十年遇賊不屈被害通志

縣志

張香蘭妻張氏廬江人遇賊不屈臨之以刃翁為哀免

遂殺其翁氏忿極罵賊亦被殺焚其屍采訪冊

從九程恩祥妻李氏徐禮和妻夏氏徐作舟妻張氏鄭

鼇占妻侯氏許習文妻侯氏何厯元妻張氏俱廬江人

聞賊至懼為所逼均扃戶自縊縣志

陳志富妻李氏陳志雙妻陳氏夏良貴妻張氏程明輝

妻高氏夏延華妻張氏曹廣玉妻王氏俱廬江人賊至

懼污均投水死縣志

程克才妻胡氏高業廣妻李氏俱廬江人賊至逼財物均被擊斃縣志

項春和妻吳氏孫壯寶妻袁氏吳守榮妻胡氏俱廬江人均痛夫遇難自縊以殉縣志

計如霖妻馬氏李成富妻宛氏袁能長妻李氏俱廬江人均痛夫遇難投水以殉縣志

徐登雲妻李氏徐松茂妻洪氏黃靖公妻王氏俱廬江人夫被賊擄不屈死均聞耗殉節縣志

崔志鎔妻洪氏崔正選妻羅氏崔正楓妻馬氏俱廬江人均遇賊不屈被殺屍骸無蹤縣志

羅魯明妻鄧氏尹劉茂生妻黃氏汪大妻柯氏黃玉和

續修廬州府志

卷六十二

列女傳 義烈一

五十五

子婦某氏俱廬江人賊至逼污不從均投塘死縣志

徐運瑚妻胡氏張學傳妻左氏張紹禮妻駱氏葉有聖妻吳氏汪桂芳妻劉氏張祚青妻章氏張大林妻楊氏

柏文有妻陳氏許春華妻夏氏俱廬江人賊逼不屈均被殺縣志

陳昌發妻魏氏張有元妻章氏俱廬江人均遇賊被逼飲刃死縣志

王應球妻徐氏廬江人因賊污不從隨經死采訪冊
周懷林妻榮氏廬江人偕媳張氏避亂遇賊俱赴水死

采訪冊

庠生許旺香妻金氏廬江人年二十四賊過境欲污之

遂投水死采訪冊

萬顯達妻李氏廬江人年二十六粵賊入境恐為所污
預投柴埠渡河死采訪冊

許繼昌妻孔氏廬江人攜子女避亂中途遇賊赴水同
死采訪冊

王凱章妻張氏廬江人賊污不從被殺采訪冊
從九計如標妻程氏廬江人前任貴州平越州知州程
放女隨夫避亂遇賊不屈賊割其鼻死采訪冊

監生龐廷璋妻朱氏廬江人年七十七遭亂子文暢孫
大保均被賊擄氏痛極罵賊遇害身無完膚采訪冊

孫貴星妻盧氏廬江人不受賊辱賊綁氏於樹以火槍

續修廬州府志

卷六十二

列女傳 義烈一

五十六

擊死縣志

孫成裕妻葉氏廬江人遇賊不屈投馬頭嘴河死縣志

增生計麟昭妻章氏廬江人遇賊被逼抗節不屈投水
死縣志

夏斯珍妻王氏廬江人年二十九夫故守志賊至被逼
赴水死縣志

萬麟盛妻鮑氏廬江人年四十三罵賊被刃傷赴水死
縣志

許志倉妻周氏廬江人遇賊不屈被刃刺死縣志

宛點魁妻張氏廬江人賊脅不從被殺縣志

張起倉妻李氏廬江人聞賊至懼辱自縊縣志

宛光映妻許氏廬江人遇賊攜二女赴水而死志縣

田良金妻王氏廬江人監生王鴻陞女年十九而寡僅一女家小康欲立嗣惟兄有一子奈係大宗無可立擬擇旁支觸兄嫂怒乃失歡於姑而侍奉益謹因抑鬱得肺痿疾女纔六歲又暴疾死氏慟極而絕卒年二十有七同里項觀察深源輓之曰父又老母又亡夫壻又故問年年薄采邛蟲欹枕有誰憐病肺拜無兒哭無女承桃無姪聽聲聲悲鳴水鳥蓋棺未免太傷心志縣

查芳貴妻周氏廬江人年二十九夫故家貧紡績度日撫子文炳成立文炳歿折氏往夫墓拜畢泣曰前所以未死者爲撫孤延祀耳今子殤粵賊又至我何生爲因

續修廬州府志

卷六十二

列女傳 義烈一

五十七

馳歸嚴妝潔服投繯全節族人哀之爲立嗣文次以奉

祀事志縣

張長運妻呂氏廬江人呂華東女年二十九夫故誓以身殉因孤子在襍忍息撫之苦守逾兩載計子可脫乳寄養於伯叔仍絕粒六日而死志縣

周德美妻王氏廬江人年三十夫故家貧苦守二子相繼又歿氏泣曰未亡人苟延殘喘者賴二子延周氏脈耳今皆逝我何生爲遂自經死志縣

許希賢妻項氏廬江人年十九克盡婦道夫病割肱和藥夫歿吞金自盡翁姑用多方治下遂奉翁姑忍死守志終以哀毀成疾未逾年而卒時年二十四志縣

姚豐梓繼妻李氏廬江人庠生李清芬女于歸後事翁姑極孝夫病親調湯藥勤懇弗懈及歿氏絕粒以殉縣志

王世經妻許氏廬江人于歸未久夫病故氏因無出絕粒以殉族人立姪應梓承祀縣志

胡發光妻姚氏廬江人進士姚繼勉女年二十四夫故卽吞金以殉母力勸始服藥獲生旋以毀疾卒縣志

王岳妻宋氏廬江人年二十夫故誓不欲生姑以有遺腹勸止後生子仍絕粒死縣志

鍾孝標妻宛氏廬江人年二十夫故痛不欲生水漿不入口者三日家人苦勸強應之仍絕粒死縣志

朱道崇妻吳氏廬江人年二十二夫故有遺腹欲以身

續修廬州府志

卷六十二

列女傳 義烈一

五十八

殉舅姑勸止生子撫育週歲仍絕粒不食嘔血數升而

死縣志

都司陳業春妻胡氏廬江人年二十四夫故號泣經年

卒以哀毀成疾而死縣志

姚克氓妻黃氏陳道友妻曹氏均廬江人痛夫遇難赴

水死通志

葉某妻孫氏廬江人監生孫芹香女六姑性極孝父母邁疾清夜焚香籲天求代刲股兩次父母疾均愈後適

葉值兵亂爲強暴所逼孫氏拒不從羞忿自經死縣志補遺

附寄籍

監生瞿模妻郭氏桐城人寄居廬江痛夫遇賊不屈投

水死氏與夫弟文哲妻張氏文炳妻陳氏均罵賊受創
死廬江縣志

葉永久妻吳氏桐城人寄居廬江夫故守志咸豐庚申
避亂湖濱捻賊逼近投黃陂河死廬江縣志

江金如妻孫氏桐城人寄居廬江年二十四夫故守志
孝奉翁姑撫育幼子咸豐辛酉賊至被逼不從遇害廬江縣志

童緒壽妻楊氏桐城人寄居廬江事姑極孝姑病割肱
救愈賊至被害廬江縣志

王啟先妻陳氏桐城人寄居廬江賊至被脅不從投水
死廬江縣志

續修廬州府志

卷六十二

列女傳 義烈一

五十九

姚方能妻陳氏桐城人寄居廬江賊脅不從被刃刺死
廬江縣志

姚名園妻鮑氏桐城人寄居廬江賊脅不從投水死廬江縣志

儒童房小信妻楊氏桐城人寄居廬江年十九賊至畏
逼自縊廬江縣志

劉能富妻左氏桐城人寄居廬江遇賊不屈投水死廬江縣志

童春蓮妻張氏桐城人寄居廬江罵賊受刃死碎其屍
廬江縣志

施萬德妻馬氏桐城人寄居廬江被賊拷掠死廬江縣志

錢發年妻朱氏桐城人寄居廬江遇賊不屈死廬江縣志

左振曹妻王氏左良朝妻方氏均外籍寄居廬江死烈

廬江縣志

朱甫全妻吳氏詹自起妻王氏均桐城人寄居廬江死

烈廬江縣志

署廬江典史劉曜森妻潘氏隨夫任所咸豐丁巳城陷

氏罵賊不屈死於南門水關年二十七廬江縣志

江某妻陳氏旌德人寄居廬江美而賢某嗜博不事生

業誘氏為娼不從被虐自縊死廬江縣志

以上烈婦待 旌

張培之女廬江人年十五其父為怨家所惡橫加謗語

續修廬州府志

卷六十二

列女傳 義烈一

六十

誣及其女女忿極投繯死邑紳許士煌表其墓道光二

十二年彙 旌通志採訪冊

程光榮女貞姑字儒童朱文繡廬江人素嫺閨訓父歿

事繼母以孝奉兄嫂以禮年二十甫屬婚期文繡病故

女聞訃泣請奔喪並吞金以矢既歸為夫立嗣勉叔養

親絕粒十五日而卒邑侯徐弔以聯語云未嫁殉夫亡

絕粒吞金輕一死于歸完婦道從容就義重千秋遭亂

未及請 旌貞女姑高氏逃竄幾死獨攜稟報貞姑事

實暨邑人哀輓古風律詩碑誌若干篇以是文生朱正

誼朱錫圭等得援案於同治三年補請 旌表建專坊

通志採訪冊

候選鹽運司經歷計樹穀長女年二十二次女十八又次女十七廬江人均未字依母避亂東鄉地濱白湖常舉古今節烈相勗勉謂不幸當大變宜自決毋賊辱咸豐十一年三月捻賊突至三女趣弟奉母以逃旋相率出抵白湖忽止相顧謂曰疇昔之言不可背也遂共投湖賊至給之起輒奮罵擊以石罵愈烈漸沒水中賊更擊以火鎗血衝上水爲之赤越日賊退其弟秉均收遺屍見內衣皆密紉中藏剪刀蓋臨難不屈防之周慮之審矣事定具狀上聞 勅建專祠專坊采訪册

郭氏女字儒童王鵬化廬江人年十九未婚夫故誓死靡他易服往奠舅姑憐其少送歸母家氏自縊已 旌

建坊大北門外靈土地廟前通志采訪册

蘇宏發女字文生盧瑩廬江人年二十二未婚聞夫試

畢回里溺死巢湖涕泣往奠絕粒以殉已 旌通志采訪册

候選鹽知事胡彭齡女八姑廬江人隨父母避亂姑蘇

城陷一家遇害殉難已 旌采訪册

章氏女嶺梅廬江人河南糧鹽道廷榜之女幼字固始吳其泰季子咸豐十一年從其父避地杭州省垣聞賊將逼城方具舟欲登而南關烽火起舉家倉皇將出走女獨止泣謂父母曰女弱行不達恐中途散失貽父母憂不敢以攜持累老親請死於父母之前引袖出利刃自刎仆地死年甫十五其婢常熟李氏女名和合亦揮

刃從死其兄章玕妻陶氏有孝烈女歌極哀婉厥後學士楊秉璋以聞得旌如例

奏案

黃展成女字吳思岷廬江人未婚岷故聞訃往奠矢志守貞年二十七遇賊殉節已旌

縣志

張氏女字丁崇峻廬江人年二十峻病迎歸侍湯藥三閱月罔懈未婚峻卒忍死守節叔祖翁榮澧嘉其節爲營一室俾與叔祖姑相依遭亂赴水全節已旌

通志縣志

監生金鎮三女幼字孫氏子廬江人未婚攜弟長齡及妹隨叔母盧氏避亂賊至被逼投水水淺不得溺見賊攬其弟厲聲罵賊賊怒以長矛亂刺而死盧氏亦不屈被殺已旌

縣志

歲貢生胡長純女貞姑字庠生張盛澤子延華廬江人未婚聞賊至懼逼自縊死已旌

縣志

監生胡長齡三女廬江人年十七未字隨母避亂鄉間遇賊不屈赴水死已旌

縣志

艾氏女字孟榮山廬江人幼養夫家年十七未婚避亂遇賊不屈投塘死已旌

縣志

桂氏女廬江人字庠生汪聿中孫汪某年十八未婚避亂遇賊欲掠之奮罵不從赴水死已旌

縣志

朱氏女字徐月桂廬江人幼養夫家年十七未婚避亂遇賊受創後投水死已旌

縣志

胡氏女字夏藍田廬江人幼養夫家年十六未婚避亂

遇賊不屈赴水死已 旌 縣志

庠生姚繼潮次女盧江人年十五未婚隨母盧氏避亂
遇賊被逼不屈均赴水死已 旌 縣志

候選府經歷洪家訓女盧江人年十九未字隨家人避
亂遇賊不屈赴水死已 旌 縣志

王海六女大姑盧江人年十八未字避亂遇賊逼脅大
罵不從躍入水死已 旌 縣志

補用千總夏孝濂妹大保盧江人遇賊被害已 旌 縣志
湯氏女字夏喜保盧江人年十五未婚聞夏被擄遂赴

水死已 旌 通志 縣志

馬氏女字陳增貴盧江人年十六未婚避亂遇賊不屈

續修廬州府志

卷六十二

列女傳 義烈一

六十二

投水死已 旌 縣志

庠生吳道標長女盧江人年十九未字遇賊不屈赴水
死已 旌 縣志

監生何錦女盧江人年十五未字聞賊入境周身縫紉
赴水死已 旌 縣志

盧文儉長女盧江人年十九未字遇賊躍入土井被刺
死已 旌 縣志

夏雲龍女孝姑盧江人年十八未字聞賊入境赴水死
已 旌 縣志

金氏女字監生孫明祐盧江人年十七未婚賊至被創
赴水死已 旌 縣志

徐氏女字王繼英廬江人年十四未婚遇賊不屈投水死已 旌 縣志

李起江女廬江人年十六未字聞賊至紉衣赴水死已奉 旌表 縣志

汪玉懷女貞妹廬江人年十六未字賊至投塘死已 旌 縣志

監生陳業新女字監生孫貴恭長子長義廬江人光緒五年女年十七諷吉于歸未至期而長義歿女聞訃成服奔喪號泣不已誓以身殉祖姑以守志立嗣勸止始飲漿水憂鬱三年服闋曰仍潛行絕粒家人疑病延醫拒不診視越數日卒已 旌 縣志

續修廬州府志

卷六十二

列女傳 義烈一

六十四

王氏女字李自元廬江人年十八未婚自元卒女聞耗絕粒不食數日而死坊建大西門外 縣志

郭氏女字王運古廬江人年十九未婚運古歿女聞耗絕粒七日而死坊建北門外 縣志

陶烈女廬江人未婚殉節事實年歲未詳已 旌入總坊 縣志

以上烈女已 旌

張十甫女廬江人年十七未字父被無賴子所毆女隨母奔救無賴詬之語不潔女憤激自經死十甫貧且懦不能直其事里人哀之爲立碑曰天壤之間正氣難滅千古以來臣忠女烈殺身成名捐軀完節憤貫長虹光

爭日月不散英靈化爲碧血時康熙二十八年也女死
後里中聞哭聲題碑後乃止

通志
嘉慶志

葉氏女字葛世英廬江人年十八未婚咸豐辛酉女父
病故母送女至夫家適夫病已危越日夫死女誓以身
殉絕粒三日聞賊將至乃匍匐赴水死

通志
采訪冊

何乘貴女大保廬江人年十五未字罵賊負傷投河死

縣志

何光贈女許字王氏子廬江人年十九未婚夫故女欲
奔喪家人阻之赴水死

通志
縣志

夏其璋女字周建季廬江人年十九未婚賊至懼汚投

水死

縣志

續修廬州府志

卷六十二

列女傳 義烈一

六十五

孫應奎女廬江人遇賊畏逼赴水死

縣志

孫貴禮女字朱國祥廬江人年二十一咸豐辛酉隨父

母避亂賊至同母盧氏投水罵賊被刺死

采訪冊

劉氏女字孫貴緬廬江人年二十四歲父母以孫貧欲

改嫁女遂自縊後孫氏修宗譜女隱隱中嗚咽於側事

隔數十年人莫測後貴緬在祠焚香默祝女復託夢於

其族長囑以請 旌孫氏爲之傳於譜

采訪冊

李明珠次女許字賈宏榮廬江人未婚榮被賊擄女歸

賈守貞咸豐八年隨姑避亂遇賊不屈投河死

通志
采訪冊

王起鼇女字孫貴謙廬江人年十六避亂遇賊勢迫投

水賊挈之起將至岸就賊刃自刎死

采訪冊

合肥貢生龔善履孫女字廬江從九孫銘志年十八隨母歸夫家避亂遇賊不屈攜一弟一妹暨嫂李氏從母

投井死

采訪冊

王啟鼇女廬江人年十六隨父避亂東鄉之分路碑遇

賊恐爲父累且畏逼投水死

采訪冊

曹長年長女廬江人年二十未婚避亂遇賊厲聲怒罵

被賊刃傷憤自投水死

縣志

程鵬飛女廬江人未婚隨母避亂賊至被逼不屈赴水

死

縣志

無名氏女廬江人年十餘歲咸豐庚申賊至女逃至石

嘴頭宅後被賊拷掠死

縣志

續修廬州府志

卷六十二

列女傳 義烈一

六十六

王氏女字葛炳南子世德廬江人童養於王年十四未

婚世德被賊擄姑屬氏歸母家氏矢志以待後入山避

亂賊掠至被逼不屈投澗水而死

縣志

監生李懷玉女字賈氏子廬江人年十九未婚隨家人

避亂遇賊不屈赴水死

縣志

廩生朱杰生女字監生姚起鳳三子廬江人年十七未

婚隨母避亂遇賊不屈赴水死

縣志

王雅言女廬江人年十八未字隨兄宗海赴外家避亂

中途遇賊不屈死其兄宗海亦遇害

縣志

施氏女字袁振家廬江人年十八未婚隨家人避亂遇

賊不屈投水水淺被賊刺死

縣志

洪克峻女字王桂心廬江人年十八未婚隨母避亂爲賊所執誓死不從被殺縣志

議敘八品余煥章女廬江人年十九未字避亂遇賊詈罵不屈被殺縣志

霍氏女字從九戴有容廬江人年十五未婚聞賊逼近懼辱投塘死縣志

從九徐立治一作女字吳德行廬江人年十七未婚避亂遇賊肆聲大罵賊怒欲殺之奮身投水死縣志

李春發女廬江人年十七未字賊至母護女身被重創女見母受創遂投水而死縣志

續修廬州府志

卷六十二

列女傳 義烈一

六十七

不從放聲大罵被殺縣志

徐升榮女廬江人年十六未字在東渡嘴避亂賊猝至被逼不從躍入水死縣志

從九張文林次女字章某廬江人未婚赭寇至憤罵不屈投水死女弟朝聘賊擄不從亦死之縣志

陳維增女大保廬江人年十三隨母避亂遇賊攜手同投水死賊退殮其屍握手猶如生時縣志

高氏女字張增福廬江人年十六未婚隨家人避亂遇賊詈罵不屈投塘死縣志

王爾調女廬江人年十六未字遇賊不屈投井死縣志

蔡氏女字李東海廬江人年十六未婚避亂遇賊不屈

赴水死志縣

計如寬妹字宛某廬江人年十八未婚采訪冊作如寬女未字隨母避

亂遇賊不屈赴水死志縣

張金起女三保廬江人年十五未字遇賊不屈被殺屍

無踪志縣

徐氏女字劉向臣廬江人年十八未婚賊至投塘死志縣

袁氏女字孟先立廬江人年十六未婚遇賊不屈投河

死志縣

庠生許煥章長女廬江人年二十未字遇賊受創後赴

水死志縣

柳永升女字張某廬江人年十六未婚遇賊懼逼赴水

續修廬州府志

卷六十二

列女傳 義烈一

六十八

死志縣

韋士發女廬江人年十八未婚聞賊逼近密縫衣裳投

水死志縣

陳氏女字張祥雲廬江人年十二賊至畏逼密縫衣裙

投水死志縣

胡氏女字劉自有廬江人年十五未婚賊至被逼不屈

死志縣

李正綱女字查文友廬江人年十三賊至遇難志縣

孫氏女字張有道廬江人年十九未婚遇賊被掠不屈

赴水死志縣

監生陳騰雲女字查方正廬江人未婚聞查被賊殺投

水以殉縣志

汪期昌女廬江人年十八未字聞賊至懼逼周身縫紉

投水死縣志

卽選訓導李燕昌女字廩生朱杰生子家琛廬江人朱婚而琛殤女投繯仰藥皆遇救免無何謂母曰昨夢朱姓率家丁接女去詢其故已含涕不言絕粒數日卒時年十九縣志

孫業廣孫女廬江人卽故儒童孫貴長之女也素嫻母訓幼字袁鴻翔光緒五年女年十四鴻翔死女聞往奠撫棺大慟五日水漿不入口誓身殉家人苦勸曰汝母女相依爲命汝死固得所其如孀母何女悟強起進米

續修廬州府志

卷六十二

列女傳 義烈一

六十九

汁時舅姑俱下世遂歸奉母越二年母卒喪葬畢仍歸袁氏請族戚爲之立嗣拜夫主前號泣不止凡十餘日仍絕粒不食而死縣志

葉氏女字儒童葛恭政廬江人年二十三在室父染痼疾女侍奉父病嚴寒酷暑晝夜不懈父母歿哀毀骨立竭力營葬適夫病篤過門侍奉湯藥勤懇弗怠夫歿絕粒不食延九日而卒縣志

計氏女字廬佳巵廬江人未婚避亂遇賊義不受辱赴水死縣志

以上烈女待 旌

